

## ՄԺԷ.

Բ

**Սրբաւնունք և գերագանց Հօրդ մերոյ հոգևորի, Տ. Տ. Ստեփաննոսի Աստուածաբան Վրդպ.ի և մեծի Արքայի՛ Սրբունեոյ Կոշտին որդեգրական Կրօնիկն մատուցի ի հետուստ աստի, մեծաւ կարօտիւ և ըղձալիր սիրով՝ համբոյր Սրբագանի Աւրոյ, խնդրելով զսղօրս սրբաւնունքս ի քեկ մատուցեալս, ինձ և իմայնոց, աստար և օգևական**

... Այլ և գրադաքիս պատահեալ սոքի որ յանցեալ ամին եղև, կարծեմ թէ լեալ տեղեկացար պատմութեանն, զոր ոչ երբէք լեալ էաք ի հոսոց հարց, կամ ի պատմութեանց զայսպիսի դառն պատուհաս՝ զոր կրեաց ժողովուրդ երկրիս միջագետի, ի պատճառէ մեղաց իւրեանց, որ ստուգիւ մարդն գմարդն եկեր, զորս տեսաք աչօք. թող զայնոսիկ զորս լաք ականջօք, եղեալ ի շրջակայս քաղաքիս. արդարև սարսափելիս և զարմանալիս մտաց մարդկան, յորմէ պատճառէ բազումք ի բնակչաց չեցին յօտար երկիր, թերևս գտանիցեն զյագուրդ, բայց ոչ կարացին հասանիլ ի դիտեցեալ տեղին իւրեանց, այլ ի ճանապարհին սովամահք կորեան և եղև կերակուրք վայրենի զազանաց. իսկ որք աստ մնացին, զոր ինչ ունէին գոյսս ոչ գնով վաճառեալք կերին, և ապա մահեալք և հիւծեալք ի սովու, նաղեցեալք մեռան ողորմելի, այնքան որ չորս բաժնի մէկն հագիւ թէ մնաց. բայց ի լրանալ տարւոյն, ողորմութիւն Տեառն ծագեալ ի յերկնից, ետ գառատութիւն ցորենոյ և ամենայն բարեաց, որով յագեցան լիութեամբ ամենայն բնակիչք երկրիս, զոր մշտապաղատ զոհութեամբ, անհանգիստ բերանով պարտիմք զոհանալ գտուողէն բարեաց, որ ողորմեցաւ ստեղծուածոց իւրոց: Գերապատիւ Արքեպիսկոպոս եղբայրս մեր, այս Ծ ամիս եղև, որ բերեալ ի մերտնու նստուցաք ի տան մերում, սակս սաստկութեան սովոյն, զի ի մերտին ոչ գտանիւր ամենևիմբ հաց, բայց կարի նւագեալ յամենայն զօրութենէ և վատեալ յաչաց տեսութենէ, և իբրու լուծեալ անդամօք, նստի անշրջիկ. ուստի աղօթս ինդրէ յեղբայրութենէ սրբոյ կրօնին, և ի քոյին Տէրութենէ. զի բարի վախճանաւ փոխեալ յաղագուր կենցաղոյս, արժանասցի մասին ժառանգութեան սրբոցն որ ի լոյս: Նաև քանի անգամ գրեցի և խնդրեցի զպատմութիւն Լիսպօնայու մեծի քաղաքին. զի լաք թէ մեծ մասն ընկղմեցեալ է և զայս վասն այն խնդրեմ, զի զամենայն իրս նշանաւորս առդիպեալ ի մերում ժամանակի իբրու 50 ամաց հետէ և այսր, զրեմ պատմագրաբար, յիմացումս յետագայ ընթերցասիրաց, վասն որոյ աղաչեմ, զի զրել տացես ստուգութեամբ և առաքեսցես ինձ, զի և զայն ևս շարայարեցից ընդ այսց պատմութեանց...:

Յամի Տեառն 1759  
Փետրվարի 4 ի Տիգրանակերտ

Յետեալ և նուստ ծառայ  
Յակոբ անպիտան դպիր  
Տէր Պօղոսեան

## ՄԺԸ.

**Հ. Յակորոս Չամչեան հիմնադիրն է Ս. Ղազարու Օրացոյց և գոչակ օրոցի: Կու տայ հոս ընդարձակ նկարագրութիւնը Պոլսոյ մէջ կատարուած հսկայ լուսավառութեան՝ որ տեղի ունեցած է Մուստաֆա Գ.ի դատեր Հիյպէթ ուլլահ սուլթանի ծննդեան առթիւ: Այդ հանդէսին ծախք գացած է « աւելի քան զհինգ միլիօն ստակ »:**